


劉向古列女傳

三





劉向古列女傳卷之六

辯通傳

齊管妾婧


妾婧者齊相管仲之妾也甯戚歌見桓公道無從乃
為人僕將車宿齊東門之外桓公因出甯戚擊牛角
而商歌甚悲桓公異之使管仲迎之甯戚稱曰浩浩
乎白水管仲不知所謂不朝五日而有憂色其妾婧
進曰今君不朝五日而有憂色敢問國家之事耶君
之謀也管仲曰非汝所知也婧曰妾聞之也母老
母賤母少母弱管仲曰何謂也昔者太公望

年七十屠牛于朝歌市八十為天子師九十而封于
齊由是觀之老可老耶夫伊尹有嬖氏之媵臣也湯
立以為三公天下之治太平由是觀之賤可賤耶墨
子生五歲而贊禹由是觀之少可少耶駃騠生七日
而超其母由是觀之弱可弱耶于是管仲乃下席而
謝曰吾請語子其故昔曰公使我迎甯戚甯戚曰浩
浩乎白水吾不知其所謂是故憂之其妄笑曰人也
語君矣君不知識矣古有白水之詩詩不云乎浩浩
白水儵之魚君來召我二將安居國家未定從我
焉如此甯戚之歆得仕國家也管仲大悅以報桓公

桓公乃修官職齊戒五日見甯子因以為相齊國以治君子謂姜靖為可與謀詩云先民有言詢于芻蕘此之謂也

頌曰

桓遇甯戚 命管迎之 甯稱白水 管仲憂疑
姜進問焉 為說其詩 管嘉報公 齊得治



楚江乙母


楚大夫江乙之母也當恭王之時乙為郢大夫有入王宮中盜者令尹以罪乙請于王而絀之處家無幾何其母亡布八尋乃往言于王曰妾夜亡布八尋令尹盜之王方在小曲之臺令尹侍焉王謂母曰令尹信盜之寡人不為其富貴而不行法焉若不盜而誣之楚國有常法母曰令尹不身盜之也乃使人盜之王曰其使人盜奈何對曰昔孫叔敖之為令尹也道不拾遺門不閉關而盜賊自息今令尹之治也耳目不明盜賊公行是故使盜得盜妾之布是與使人盜

何以異也王曰令尹在上寇盜在下令尹不知有何
罪焉母曰吁何大王之言過也昔者妾之子為郢大
夫有盜王宮中之物者妾子坐而絀妾子亦豈知之
哉然終坐之令尹獨何人而不以是為過也昔者周
武王有言曰百姓有過罪予一人上不明則下不治
相不賢則國不寧所謂國無人者非無人也無理人
者也王其察之王曰善非徒譏令尹又譏寡人命吏
償母之布曰賜金千鎰母讓金布曰妾豈貪貨而失
大王哉悲令尹之治也遂去不肯受王曰毋智若此
其子必不愚乃復召江乙而用之君子謂乙母善以

微喻詩云猷之未遠是用大諫此之謂也

頌曰

江乙失位 乙毋動心 既歸家庭 亡布八尋
指責令尹 辭甚有度 王復用乙 賜毋金布



晉弓工妻


弓工妻者晉繁人之女也當平公之時使其夫為弓
三年乃成平公引弓而射不穿一札平公怒將殺弓
人弓人之妻請見曰繁人之子弓人之妻也願有謁
于君平公見之妻曰君聞昔者公劉之行乎羊牛踐
葭蒂惻然為痛之恩及草木豈歆殺不辜者乎秦穆
公有盜食其駿馬之肉反飲之以酒楚莊王臣援其
夫人之衣而絕纓與飲大樂此三君者仁著于天下
卒享其報名垂至今昔帝堯茅茨不剪采椽不斲土
階三等猶以為為之者勞居之者逸也今妾之夫治

造此弓其為之亦勞其幹生于太山之阿一日三觀
陰三觀陽傳以燕牛之角纏以荆縻之筋糊以阿魚
之膠此四者皆天下之妙選也而君不能以穿一札
是君不能射也而反欲殺妾之夫不亦謬乎妾聞射
之道左手如拒右手如附枝右手發之左手不知此
蓋射之道也平公以其言而射穿七札繁人之夫立
得出而賜金三鎰君子謂弓工妻可與處難詩曰敦
于既堅舍矢既鈞言射有法也

頌曰

晉平作弓 三年乃成 公怒弓工 將加以刑

妻往說公 陳其幹材 列其勞苦 公遂釋之



齊傷槐女

齊傷槐女者傷槐衍之女也名婧景公有所愛槐使人守之植木懸之下令曰犯槐者刑傷槐者死于是衍醉而傷槐景公聞之曰是先犯我令使吏拘之且加罪焉婧懼乃造于相晏子之門曰賤妾不勝其欲願得脩數于下晏子聞之笑曰嬰有淫色乎何為老而見奔殆有說內之至哉既入門晏子望見之曰怪哉有深憂進而問焉對曰妾父衍幸得充城郭為公民見陰陽不調風雨不時五穀不滋之故禱祠于名山神女不勝麴孽之味先犯君令醉至于此罪固當

死妾聞明君之蒞國也不損祿而加刑又不以私恚害公法不為六畜傷民人不為野草傷禾苗昔者宋景公之時大旱三年不雨召太卜而卜之曰當以人祀景公乃降堂北面稽首曰吾所以請雨者乃為吾民也今必當以人祀寡人請自當之言未卒天大雨方千里所以然者何也以能順天慈民也今吾君樹槐令犯者死歆槐之故殺靖之父孤妾之身妾恐傷執政之法而害明君之義也鄰國聞之皆謂君愛樹而賊人其可乎晏子惕然而悟明日朝謂景公曰嬰聞之窮民財力謂之暴崇玩好嚴威令謂之逆刑殺

不正謂之賊夫三者守國之大殃也今君窮民財力以美飲食之具繁鐘鼓之樂極宮室之觀行暴之大者也崇玩好嚴威令是逆民之明者也犯槐者刑傷槐者死刑殺不正是賊民之深者也公曰寡人敬受命晏子出景公即時命罷守槐之役拔植懸之木廢傷槐之法出犯槐之囚君子曰傷槐女能以辭免詩云是究是圉亶其然乎此之謂也

頌曰

景公愛槐	民醉折傷	景公將殺	其女悼懼
奔告晏子	稱說先王	晏子為言	遂免父亡